



Vogošća, ul. Jošanička, br. 80; tel: 00387 33 586 413, fax: 586 418

Broj: 07-14-1325/17

Vogošća, 25.08.2017. godine

Na osnovu člana 69. stav 2. tačka e), člana 70. stav 4. i člana 100. stav 3. Zakona o javnim nabavkama BiH ("Službeni glasnik BiH" broj: 39/14), i člana 71. i 125. Statuta Općine Vogošća ("Službene novine Kantona Sarajevo", broj 27/14-Prečišćeni tekst i 14/15), Općinski načelnik dana 25.08.2017. godine donio je

**ODLUKU**  
**O PONIŠTENJU POSTUPKA JAVNE NABAVKE IZVOĐENJA RADOVA NA NASTAVKU**  
**IZGRADNJE DISTRIBUTIVNE GASNE MREŽE NA PODRUČJU MZ-a BLAGOVAC (UL.**  
**BLAGOVAC IV) I VOGOŠĆA I (UL. D.JOŠANICA I) NA PODRUČJU OPĆINE VOGOŠĆA**

**Član 1.**

Poništava se postupak javne nabavke, po Otvorenom postupku za izvođenje radova na nastavku izgradnje distributivne gasne mreže na području MZ-a Blagovac (ul. Blagovac IV) i Vogošća I (ul. D.Jošanica I) na području općine Vogošća broj: 07-14-1325/17, jer je cijena jedine formalno pravno prihvatljive ponude ponuđača „EŠ COMPANY“ d.o.o. Sarajevo znatno veća od osiguranih sredstava za predmetnu nabavku.

**Član 2.**

Ovom Odlukom stavlja se van snage Odluka o izboru najpovoljnijeg ponuđača za izvođenje radova na nastavku izgradnje distributivne gasne mreže na području Mz-a Blagovac (ul. Blagovac IV) i Vogošća I (ul. D.Jošanica I) na području općine Vogošća broj: 07-14-1325/17 od 10.08.2017. godine.

**Član 3.**

Ova Odluka stupa na snagu danom donošenja, a objaviće se na web stranici Općine Vogošća, istovremeno s upućivanjem ponuđačima koji su učestvovali u postupku javne nabavke, u skladu sa članom 70. stav 6. Zakona o javnim nabavkama.

**OBRAZLOŽENJE**

Dana 21.08.2017. godine Općina Vogošća kao ugovorni organ zaprimila je žalbu ponuđača "EŠ-Company" d.o.o. Sarajevo izjavljenu putem advokata Eterović Amile, na Odluku o izboru najpovoljnijeg ponuđača za izvođenje radova na nastavku izgradnje distributivne gasne mreže na području Mz-a Blagovac (ul. Blagovac IV) i Vogošća I (ul. D.Jošanica I) na području općine Vogošća broj: 07-14-1325/17 od 10.08.2017. godine, kojom je ponuda ponuđača "HIK-NET" d.o.o. Sarajevo, ulica Stara željeznička stanica broj 2. Vogošća, odabrana za izvođenje radova na nastavku izgradnje distributivne gasne mreže na području MZ-a Blagovac (Ul. Blagovac IV) i Vogošća I (Ul. D.Jošanica I) na području općine Vogošća, kao jedina prihvatljiva ponuda po kriteriju najniže cijene, sa ukupnom cijenom nabavke u iznosu od 85.466,78 KM bez PDV-a, odnosno 99.996,13 KM sa PDV-om.

Nakon razmatranja predmetne žalbe, a postupajući u skladu sa odredbama člana 100 Zakona o javnim nabavkama BiH ("Službeni glasnik BiH" broj: 39/14), Komisija je konstatovala da je žalba blagovremena, dopuštena i izjavljena od ovlaštene osobe. Komisija je razmotrila navode iz žalbe i utvrdila sljedeće:

- Uvažava se navod žalitelja "EŠ-Company" d.o.o. Sarajevo koji se odnosi na ispunjavanje uslova iz Tenderske dokumentacije tražene tačkom 7.4-naslava Tehnička i profesionalna sposobnost, i to stav 7.4.2. pod a), kojom se tražio dokaz-spisak izvršenih ugovora u ukupnom iznosu jednakom ili većem od 150.000,00 KM bez PDV-a u posljednjih 5 (pet) godina računajući od dana podnošenja ponude-referenc lista, iz razloga što se ponovnim uvidom u Potvrdu BH Telecoma d.d. Sarajevo kao krajnjeg korisnika, te uvidom u Ugovor i tehničku specifikaciju radova kojeg je žalitelj dostavio uz žalbu kao dokaz i upoređujući je sa tehničkom specifikacijom koja je predmet nabavke, Komisija utvrdila da žalitelj ispunjava uslove gore navedenog člana Tenderske dokumentacije, jer se radi o radovima koji su u vezi sa predmetnom nabavkom, a isto se iz priloženih potvrda uz referenc listu nije moglo zaključiti.

- Komisija takođe uvažava žalbene navode koji se odnose na zaposlenika Pljevljak Muhameda zaposlenog u firmi „GPI“ d.o.o., jer je Komisija propustila da utvrdi nedostatak ugovora o poslovno tehničkoj saradnji sa predmetnom firmom (u ponudi dostavljen Ugovor o djelu za predmetnog radnika).

- Komisija osporava navode žalitelja vezane za Kovačević Admira, da ne ispunjava uslov o završenom kursu zaštite na radu, jer je tenderskom dokumentacijom traženo najmanje 5 radnika koji ispunjavaju uslov o završenom kursu zaštite na radu, što je ponuđač „HIK-NET“ d.o.o. Sarajevo i dostavio u sklopu svoje ponude za: Pandžić Haris, Kadrić Vedad, Lješnjanin Ramadan, Hrbinić Edin i Dežnić Senahid, čime je ispunjen uslov tražen tenderskom dokumentacijom.

- Komisija osporava navode žalitelja vezane za Kovačević Admira, da ne ispunjava uslov o završenom kursu zaštite od požara, jer je tenderskom dokumentacijom traženo najmanje 5 radnika koji ispunjavaju uslov o završenom kursu zaštite od požara, što je ponuđač „HIK-NET“ d.o.o. Sarajevo i dostavio u sklopu svoje ponude za: Pandžić Haris, Kadrić Vedad, Lješnjanin Ramadan, Hrbinić Edin i Dežnić Senahid, čime je ispunjen uslov tražen tenderskom dokumentacijom.

- Komisija ne prihvata navode žalitelja koji se odnose na zaposlenika Hrbinić Edina NK radnika, jer je ocijenila da je ponuđač „HIK-NET“ d.o.o. Sarajevo prema njihovoj matičnoj evidenciji dostavio spisak uposlenika o završenim obukama, među kojim se nalazi imenovani. Navedeni spisak je potpisan i ovjeren od strane ponuđača „HIK-NET“ d.o.o. Sarajevo, što je Komisija smatrala dovoljnim.

- Komisija uvažava navode žalitelja da u ponudi ponuđača „HIK NET“ d.o.o. Sarajevo nije dostavljen odgovarajući dokaz o posjedovanju geodetskog instrumenta kao i saobraćajna dozvola za rovokopač.

Komisija konstatuje sljedeće:

1. Žalba „EŠ COMPANY“ d.o.o. Sarajevo izjavljena na Odluku o izboru najpovoljnijeg ponuđača za izvođenje radova na nastavku izgradnje distributivne gasne mreže na području MZ-a Blagovac (ul. Blagovac IV) i Vogošća I (ul. D.Jošanica I) na području općine Vogošća broj: 07-14-1325/17 od 10.08.2017. godine, je djelimično osnovana.

2. Shodno zaključku 1. Komisija konstatuje:

- Ponuda ponuđača „HIK-NET“ d.o.o. Sarajevo ne ispunjava formalno pravne uslove tražene tenderskom dokumentacijom, a koji su utvrđeni u navodima žalitelja.

- Ponuda ponuđača „EŠ COMPANY“ d.o.o. Sarajevo ispunjava formalno pravne uslove tražene tenderskom dokumentacijom, te je urađena računaska provjera, kojom je konstatovano da nema računskih grešaka, ali da je ponuđena cijena znatno veća od procijenjene vrijednosti nabavke. Komisija je zatražila izjašnjenje od Ugovornog organa, da li je u mogućnosti obezbijediti dodatna sredstva. Ugovorni organ je svojim aktom od 24.08.2017. godine dao izjašnjenje da u skladu sa usvojenim Budžetom za 2017. godinu, nije u mogućnosti za predmetnu nabavku obezbijediti dodatna sredstva.

Iz navedenih razloga, a primjenom člana 69. stav 2. tačka e). Zakona o javnim nabavkama BiH ("Službeni glasnik BiH" broj: 39/14), Komisija je jednoglasno dala preporuku Općinskom načelniku da donese Odluku o poništenju predmetnog postupka nabavke, jer je cijena formalno pravno prihvatljive ponude ponuđača „EŠ COMPANY“ d.o.o. Sarajevo znatno veća od osiguranih sredstava za predmetnu nabavku.

**Pouka o pravnom lijeku:** Ponuđač koji je učestvovao u postupku nadmetanja može radi zaštite svojih prava, u roku od deset dana od prijema Odluke o poništenju postupka nabavke izjaviti žalbu. Žalba se podnosi Uredu za razmatranje žalbi BiH putem Ugovornog organa.

Dostavljeno:

1. "HIK-NET" d.o.o. Sarajevo
2. "EŠ-COMPANY" d.o.o. Sarajevo
3. Nadležnoj Službi
4. U dosije
5. a/a

033/436-860

033/771-832

OPĆINSKI NAČELNIK

  
EDIN SMAJIC